

想要获取更多资源吗？



点击上方图片，即可进入修行资料中心，探索浩如烟海的佛经经典、禅修指南、开示讲记以及实修方法等珍贵内容。这里汇集了助您精进修行的各类资源，无论您是初学者还是资深修行者，都能在此找到滋养法身慧命的甘露法雨，开启智慧，增长福德，成就菩提！

大方广佛华严经华严普贤行愿忏仪

【大方广佛华严经华严普贤行愿忏仪】

戒定真香 梵起冲天上 弟子虔诚 爇在金炉放 项刻氤氲 即遍满十方 昔日耶输 免难消灾障

南无香云盖菩萨摩訶萨 三称

南无大行普贤愿王菩萨 三称

一切恭敬

一心敬礼。华藏世界。帝网刹中。遍法界常住佛。一拜

一心敬礼。华藏世界。帝网刹中。遍法界常住法。一拜

一心敬礼。华藏世界。帝网刹中。遍法界常住僧。一拜

礼已应当香花供养。首者唱云。

是诸众等。各各胡跪。严持香花。如法供养。尽莲华藏世界海。帝网刹中。圆融无碍三宝。

众齐擎花应起观行想念云。

诸佛净法身。功德无有量。不住亦不坏。湛然而常安。

我所执香花。皆从草木生。奉献于诸佛。持此想供养。

发身诸毛孔。令一一毛孔。出无数香花。愿供一切佛。

化成香花云。诸佛既受之。于十方世界。施为作佛事。

普薰诸众生。皆发菩提心。一念成佛道。

想已散花唱云

愿此香花云。遍满莲花藏世界海。帝网刹土中。以普贤愿力故。悉成法供养。尽虚空。遍法界。十方三世。一切佛刹。极微尘中。微尘数佛。一一佛所。难思海会。悉有上妙。重重香云花云。香油香灯。广大供养。常作佛事。

前香花局辞一十九句。是观佛三昧海经长行。今但撮略大旨为偈。欲使行人熟念。仰想无遗耳。若一人自修。除去是诸众等各各胡跪八字。应云弟子某甲虔敬胡跪。然道场中。当献草木鲜花。今行人修忏。多献繒彩诸花。或通草等花。盖值霜雪时耳。余时依经采种种鲜花。奉献三宝。供已。首者唱云。

供养已。一切恭敬。起礼一拜

赞叹

既供养已。即应正身威仪。一心伫立对三圣前。说偈赞云。

毘卢遮那佛。愿力周法界。一切国土中。恒转无上轮。

普贤身相如虚空。依真而住非国土。随诸众生心所欲。示现普身等一切。

刹尘心念可数知。大海中水可饮尽。虚空可量风可系。无能尽说佛功德。

赞已。道场首日。当述修忏之意。任自智力所陈。披陈乞。依卷后赞愿文。首者白云。以此赞叹三宝修行华严忏法。所生功德云云。

作礼

既赞叹竟。应当一心忆念诸佛真身。应物现形。如对目前。受我礼拜。又复应知身心空寂。无有体相。随缘影现。一一佛前。悉有此身头面接足。若诸佛菩萨。各致一礼。惟至大方广佛华严经。末后忏主普贤菩萨。各须三礼。此之人法。是道场主故。唱云。

一心敬礼。十身初满。正觉始成。不离阎浮而昇天上。偏周法界。无尽身云。大毘卢遮那佛。二称

须五体投地。精诚致礼。想云。能礼所礼性空寂。感应道交难思议。我此道场如帝珠。毘卢遮那影现中。我身影现毘卢前。头面接足归命礼。至礼舍那。即云卢舍那佛影现中。下佛菩萨。随位改之。

一心敬礼。色究竟天上。大宝莲华中。圆满报身。卢舍那佛。二称

一心敬礼。不动寂场。游化鹿苑。十方分身。释迦文佛。二称

一心敬礼。炳然应现。极乐世界。普收圆因。华中授记。阿弥陀佛。二称

一心敬礼。华严经中。十方云集。发辞赞定。普现其前。往古劫海。刹尘数佛。二称

一心敬礼。华藏世界。帝网刹中。微尘诸佛。二称

一心敬礼。汪洋冲融。广大悉备。根本*轮。大方广佛华严经。大不思议圆融法宝。二称

三礼想云。真空法性如虚空。常住法宝难思议。我身影现法宝前。一心如法皈命礼。次位偈同。

一心敬礼。释迦所说。眷属经等。十方佛刹。微尘数经。一切法门。修多罗藏。二称

一心敬礼。菩提道场。佛果会主。入毘卢遮那佛。藏身三昧。说如来依正果法。华严上首。普贤菩萨。同时云集。遍周法界。诸大菩萨摩訶萨。二称

一心敬礼。普光明殿。十信会主。十首菩萨。说十信法。华严上首。文殊师利菩萨。同时云集。遍周法界。诸大菩萨摩訶萨。二称

此会文殊不入三昧。谓信未入位故。

一心敬礼。忉利天宫。十位会主。入菩萨无量方便三昧。说十住法。法慧菩萨。同时云集。遍周法界。诸大菩萨摩訶萨。二称

一心敬礼。夜摩天宫。十行会主。入菩萨善思惟三昧。说十行法。功德林菩萨。同时云集。遍周法界。诸大菩萨摩訶萨。二称

一心敬礼。兜率天宫。十回向会主。入菩萨智光三昧。说十回向法。金刚幢菩萨。同时云集。遍周法界。诸大菩萨摩訶萨。二称

一心敬礼。他化自在天宫。十地会主。入菩萨大智慧光明三昧。说十地法。金刚藏菩萨。同时云集。遍周法界。诸大菩萨摩訶萨。二称

一心敬礼。重会普光明殿。如来为等妙觉位会主。入刹那际三昧。说僧只随好法。普贤等一切菩萨。说等妙觉法。同时云集。遍周法界。诸大菩萨摩訶萨。二称

一心敬礼。三会普光明殿。顿彰大行会主。入佛华严三昧。说二千行法。普贤菩萨。同时云集。遍周法界。诸大菩萨摩訶萨。二称

一心敬礼。逝多林园。如来为果法界会主。入师子频申三昧。说果法界。众海顿证。普贤菩萨等五百菩萨。同时云集。遍周法界。诸大菩萨摩訶萨。二称

一心敬礼。备张信位。玄妙该收。普首菩萨摩訶萨。二称

一心敬礼。请演十地。一乘六相。解脱月菩萨摩訶萨。二称

一心敬礼。启明十定。等觉因缘。普眼菩萨摩訶萨。二称

一心敬礼。发挥深微。难思数法。心王菩萨摩訶萨。二称

一心敬礼。显示佛果。不思議法。青莲华藏菩萨摩訶萨。二称

一心敬礼。亲受宣示。三重顿圆。宝手菩萨摩訶萨。二称

一心敬礼。谘询出现。妙觉果满。如来性起。妙德菩萨摩訶萨。二称

一心敬礼。云兴百问。顿发圆融。普慧菩萨摩訶萨。二称

一心敬礼。华严经中。七处九会。互彰主伴。圆明妙智。诸佛祖师。文殊师利菩萨摩訶萨。二称

一心敬礼。华严经中。善财所参。百城善友。不思議化。游戏神通。五十五员诸善知识。微尘数菩萨摩訶萨。二称

一心敬礼。圆通无碍。周遍十方。居补陀山。大悲普济。观自在菩萨摩訶萨。二称

一心敬礼。安住毘卢庄严楼阁。补处慈尊。弥勒菩萨摩訶萨。二称

一心敬礼。华严会上。发菩提心。南求诸友。一生成办。无上圆机。善财菩萨摩訶萨。二称

一心敬礼。菩提树内。师子座中。眉间出现。佛刹尘数。华严海会。华藏界中。重重重重。无尽无尽。十方三世。一切菩萨摩訶萨。二称

一心敬礼。逝多林园。末会之中。舍利弗等五百声闻。六千比丘。十方佛刹。一切声闻缘觉贤圣僧。二称

一心奉为华严经中。执金刚神。身众神。足行神。道场神。主城主地。主山主林。主药主稼。主河主海。主水主火。主风主空。主方主夜。主昼等神。天龙八部。释梵天王。无量诸天。及日月天子。一切圣众。敬礼常住三宝。二称

礼局同前。但改云。常住三宝影现中。

一心敬礼。华严忏主。修大愿王。遍收玄妙。普贤菩萨摩訶萨。五称

三礼未句改云。为求灭障接足礼。此是忏悔主故。

忏悔

既礼佛竟。应端肃一心。正身威仪。虔敬胡跪。烧诸名香。存想。普贤菩萨。无量庄严。眷属围绕。为忏悔主。如在目前。发露无量劫来。所造一切恶业。断相续心。更不复造。而以正慧。观罪性空。不在内外。敬发大菩提心。摧灭恒沙烦恼。应想念云。

我与众生。无始所作。一切罪障。惟愿三宝。哀悯拔济。顿祛愚业。

翻作净因。身心齐空。罪福无主。了见真性。等佛法身。三业罪愆。

成三解脱。六根重障。翻作六通。念已唱云。

普为四恩三有。及法界众生。悉愿断除诸障。归命忏悔。

唱已起礼一拜。复胡跪。当运逆顺十心。想念清凉偈云。

自从无始起无明。亦值恶友增我情。无随喜心善永灭。纵身语意恶新生。

心心遍布触处染。念念相续日夜营。不欲人知藏过失。不畏恶道任纵横。

无惭无愧魔罗网。拨因拨果闹提坑。如是顺流背本已。生死苦海浩然盈。

幸闻如来长子教。今欲逆流舍贫里。正信因果破阐提。惭愧人天破无耻。

恐布恶道破不畏。发露罪业破覆耻。断相续心破常念。发菩提心破遍起。

修功补过破纵恣。守护正法破无喜。念十方佛破恶友。观罪性空破结使。

上之六局。初三至苦海浩然。是顺生死十心以为所治。后三至观罪性空。是逆生死十心。从后翻破。有事有理。应细思之。熟诵想念。想已。唱云。

至心忏悔。弟子众等。归命十方。无尽三宝。愿起哀怜。为做明证。

我与法界。一切众生。自从过去。无始劫中。由贪瞋痴。发身口意。
 眼根着色。迷本净心。不睹如来。法身周遍。耳贪声境。障自性空。
 不闻如来。圆音说法。鼻贪香气。结使是生。功德妙香。不能嗅觉。
 舌贪众味。食噉众生。妄语绮言。两舌恶口。毁谤三宝。陵辱二亲。
 已餐如来。甚深法味。身根着触。耽染无穷。昼夜荒迷。不知止足。
 遍造诸恶。行杀盗淫。诸佛慈光。不能照烛。意根着法。触境攀缘。
 念念常生。贪瞋邪见。一切诸恶。从意根生。宁知如来。甚深法界。
 六根三业。备造诸非。乃至重轻。一切罪障。无量无边。若此恶业。
 有体相者。尽虚空界。不能容受。我等自惟微善。报在人伦。
 幸遇如来大华严经。圆满因轮。依此法门。修忏悔法。我今悉以。
 清净三业。遍于法界。极微尘刹。一切诸佛。菩萨众前。诚心忏悔。
 后不复造。恒住净戒。一切功德。惟愿本尊。
 毘卢遮那如来。行愿忏主普贤菩萨。文殊师利菩萨。华严海会无尽三宝。
 哀悯护念。慧日垂光。销我身心。业惑霜露。慈风普振。摧重障山。
 法水长流。洗我心垢。翻三毒心。成三秘藏。普与众生。咸登真界。
 同彼善财。一生身中。成就普贤。十大愿王。礼敬诸佛。称赞如来。
 广修供养。忏悔业障。随喜功德。请转*轮。请佛住世。常随佛学。
 恒顺众生。普皆回向。虚空法界。无尽众生。愿令众生。常得安乐。
 无诸病苦。欲行恶法。皆悉不成。所修善业。皆速成就。
 关闭一切诸恶趣门。开示人天涅槃正路。若诸众生。因其积集诸恶业故。
 所感一切极重苦果。我皆代受。令彼众生。悉得解脱。
 究竟成就无上菩提。能于烦恼大苦海中。拔济众生。令其出离。皆得往生。
 阿弥陀佛。极乐世界。一拜起立唱云
 忏悔发愿已。归命礼。
 毘卢遮那佛。普贤菩萨。及一切三宝。一拜
 旋绕

夫旋绕者。恋慕三宝微妙功德也。如是三匝。或七匝。欲旋绕时。先须正立。想此道场如法界。
 。十方三宝。亘塞虚空。以次回身旋绕法座。十方三宝心性寂灭。影现十方。心想如梦。梵声
 如响。勿令散乱。一心唱云。

南无十方佛。南无十方法。南无十方僧。
 南无常寂光土。毘卢遮那佛。
 南无千华台上。卢舍那佛。
 南无娑婆世界。释迦文佛。
 南无极乐世界。阿弥陀佛。
 南无华藏世界。微尘诸佛。
 南无一乘圆教。大方广佛华严经。
 南无华严忏主。普贤菩萨。
 南无华严上首。文殊师利菩萨。
 南无大慈大悲。观世音菩萨。
 南无当来补处。弥勒菩萨。
 南无华严海会。诸大菩萨。
 南无诸善知识。恒沙菩萨。
 南无一生圆满。善财菩萨。
 南无华藏世界。帝网刹中。一切菩萨摩訶萨。
 或三称。或七称。旋绕已。还至像前。三自皈依唱云。
 自归于佛。当愿众生。绍隆佛种。发无上意。一拜
 自归于法。当愿众生。深入经藏。智慧如海。一拜
 自归于僧。当愿众生。统理大众。一切无碍。一拜。收具起问讯云。
 和南圣众。
 维那击引磬复称称。
 南无大行普贤王菩萨。三称
 礼忏功德殊胜行 无边胜福皆回向
 普愿沉溺诸有情 速往无量光佛刹
 十方三世一切佛 一切菩萨摩訶萨 摩诃般若波罗密
 华严普贤行愿忏仪终

南无阿弥陀佛，分享给您国内外最新的无量寿经研究成果，补全缺失的理论

<https://pan.baidu.com/s/1qhjM7EGFjU7ZUtA4AUmKCA>

师兄，您好，分享给您学佛精品好书，建议使用电子书阅读器，保护视力，需网盘保存、下载、解压缩，欢迎流通赠阅！

传统文化、戒淫修福、中医养生等

<http://pan.baidu.com/s/1kTunurP>

弘扬和落实中华传统文化

<http://pan.baidu.com/s/1bnhbS4Z>

乾隆大藏经（龙藏）txt全-精排版
<https://pan.baidu.com/s/16lPR77SvjgPBg2pHsOp2iw>

分享给您国内外最新的无量寿经研究成果，补全缺失的理论
<https://pan.baidu.com/s/1DmMqgmVAhZuDaDB8CxqrZw>

<https://pan.baidu.com/s/1NcY19feLvDZm739KrGqe5A>

般若文海txt
<http://pan.baidu.com/s/1xM8Ou>

好听的佛号，分享给您
<https://pan.baidu.com/s/1XOnbMzMfFluY1h2mlfJTsw>

南无阿弥陀佛 南无阿弥陀佛 南无阿弥陀佛
弘愿寺，为纯依善导大师之教、专修净土的念佛道场；寺名「弘愿」，典出善导大师《观经疏》「别意之弘愿」，意为：乘弥陀弘誓大愿力，一切众生得生净土。弘愿寺殿堂建制、本尊安奉、牌匾楹联、念诵仪规，皆完全依善导大师「五正行」为标准，唯突出一个「专」字——专净土，专念佛，专善导。
<https://www.hongyuan.si/>
以善导大师的净土思想为弘法理念，所有法宝均为免费结缘，免费邮寄。欢迎索请！

佛教净土宗(上面有很多TXT格式经论)
<http://www.pureland-buddhism.org/>

净宗讲堂 在线观看
<http://www.jingzongfashi.com/>

戒色义工收集整理
戒色百科全书
<https://pan.baidu.com/share/link?shareid=617125&uk=2701938221>

东方人生智慧珍品系列丛书（共10册）已绝版
<http://pan.baidu.com/s/1tJAWi>

请勿堕胎反堕胎宣传单和书籍（请转发，功德无量，利益无量）
<http://pan.baidu.com/s/1ntNwL4l>

排版助手软件（电脑版，可以排版TXT格式文档，优化格式错误，提升阅读体验）
<https://pan.baidu.com/s/1qTdJTPjQarMapJmFJ3tVA>